

Quito Nicolaas a bishita Cas di Aruba

ORANJESTAD (AAN):
Informe di Hulanda ta muestra
cu e escritor y poeta Quito
Nicolaas recientemente a
bishita

Minister
Plenipotenciario sr. Edwin
Abath na Cas di Aruba na Den
Haag. Meta di e bishita aki ta
pa cera conoci y informa e
mandatario di e actividatnan
di e autor. Tambe a
intercambia di idea encuanto
desaroyonan riba e tereno
literario na Aruba y Hulanda.
Sr. Nicolaas a amplia riba su
bishita na e St. Martin Book
Fair di juni ultimo. Einan el a
tene un charla 'Con pa
identifica e literatura
Arubiano awendia', cual
tabata un exito rotundo.
Tambe a informa e ministro
cu e aña aki su persona a ser
invita pa skirbi e dictado pa e
actividad Almeers Dictee,
cual lo tuma lugar dia 15 di
september. Manera e otro
añanan e Alcalde señora
Annemarie Jorritsma lo lesa e
dictado aki. E organizacion ta
den man di e Municipio di
Almere, ROC Flevoland, De
Schoor y De Nieuwe
Bibliotheek.

Un otro tarea importante di sr.
Nicolaas lo bay ta pa skirbi
algo den cuadra di e
celebracion di 100 aña di
existencia di Koninklijke
Instituut voor de Tropen



(KIT) na Amsterdam. Fuera
di esaki e lo participa tambe
na e proyecto SONS (Shoes
Or No Shoes) di un museo na
Belgica y e ta preparando pa e
Festival Literario na Berlin di
otro aña.

Pa loke tat rata publicacion
nobo, entrante augustus lo sali
tres publicacion cu obranan di
e autor. Den e buki The last
remaining colonies in the Ca-
ribbean lo tin inclui su essay
Political changes: The Lan-
guage of Culture and Litera-
ture. Na oktober lo sali e buki
publica relaciona cu e
simposio Historische romans,
cual lo contene su charla De

schrijver nodigt de lezer uit
voor een Tango. Por ultimo lo
sali un antologia publica di
Simia Literario den cual tin
inlui dos cuenta cortico di e
autor.

Sr. Abath a bisa di ta contento
pa tende cu tin un autor cu ta
promove Aruba na Hulanda y
den exterior. E mandatario a
bisa cu e autor por conta cu
coperacion di Cas di Aruba.
Na final di e encuentro cu a
ensera un combersacion
amplio y ameno riba
topiconan di interes mutuo,
Sr. Nicolaas a haci entrega di
su ultimo dos publicacionnan
na Ministro Abath.